

書叢
韻樓
刊

古詩源

圖書在版編目(CIP)數據

古詩源:綫裝巾箱本 / (清)沈德潛選編. —上海:
上海古籍出版社, 2002. 12

ISBN 7-5325-3280-1

(書韻樓叢刊)

I. 古... II. 沈... III. 詩歌—作品集—中國—古代
IV. I222

中國版本圖書館 CIP 數據核字(2002)第 082181 號

書韻樓叢刊

古詩源

〔清〕沈德潛選編

創意策劃

趙昌平 李保民

版式設計

李保民

出版發行

上海古籍出版社

(上海瑞金二路二七二號 郵政編碼 200002)

(1) 網址: www.guji.com.cn

(1) E-mail: guji1@guji.com.cn

發行經銷

新華書店上海發行所

印刷

杭州蕭山古籍印務有限公司

開本

700 乘 1380 毫米 二四開

印張

一八

版次

二〇〇二年十二月第一版第一次印刷

印數

1—1000

書號

ISBN 7-5325-3280-1/1·1578

定價

五十九元

古詩源

卷十

宋詩

孝武帝

自君之出矣

自君之出矣。金翠闇無精。思君如日月。回還晝夜生。

南平王鑠

白紵曲

僊僊徐動何盈盈。玉腕俱凝若雲行。佳人舉袖輝青蛾。摻摻擢手映

宋人詩。日流於弱。古之終而律之始也。無飽謝三公。恐風雅無色。孝武詩。時有巧思。

晉曲似拙。然氣味極厚。此但覺其鮮秀矣。風氣升降。作者不能自主。

鮮羅狀似明月泛雲河。體如輕風動流波。

擬行行重行行

眇眇陵長道。遙遙行遠之。迴車背京里。揮手從此辭。堂上流塵生。庭中綠草滋。寒蟬翔水曲。秋兔依山基。芳年有華月。佳人無還期。日夕涼風起。對酒長相思。悲發江南調。憂委子衿詩。卧覺明燈晦。坐見輕紈縑。淚容不可飾。幽鏡難復持。願垂薄暮景。照妾桑榆時。

何承天

雉子遊原澤篇

雉子遊原澤。幼懷耿介心。飲啄雖勤苦。不願棲園林。古有避世士。抗志青霄岑。浩然寄卜肆。揮棹通川陰。逍遙風塵外。散髮撫鳴琴。卿相非所盼。何況於千金。功名豈不美。寵辱亦相尋。冰炭結六府。憂虞纏

顧詩。惠休品為鑲金錯采。然鑲刻太甚。填綴求工。轉傷真氣。中間如五君詠。秋胡行。皆清真高逸者也。士衡長於敷陳。延之長於鑲刻。然亦緣此為累。詩云。穆如清風。是為雅音。

八章次序有法。追金琢玉。不妨沉闡。義山所謂句奇語重者耶。

胸襟當世須大度量。己不克任。三復泉流誠自警。良已深。

顏延之

應詔讌曲水作詩八章

宋略曰。文帝元嘉十一年三月丙辰。楔飲於樂遊苑。且祖江夏王義恭。衡陽王義季。有詔會者賦詩。

道隱未形。治彰既亂。帝跡懸衡。皇流共貫。惟王創物。永錫洪算。仁固開周。義高登漢。

祚融世哲。業光列聖。太上正位。天臨海鏡。制以化裁。樹之形性。惠浸

萌生。信及翔泳。

太上。謂文帝也。

崇虛非徵。積實莫尚。豈伊人和。實靈所貺。日完其朔。月不掩望。航琛

越水。輦賁踰嶂。

賁。同贐。言遠夷納貢也。

帝體麗明。儀辰作貳。君彼東朝。金昭玉粹。德有潤身。禮不愆器。柔中

淵映芳猷蘭秘

帝體太子也。記曰。長子正體於上。詩傳曰。儀匹也。辰北辰也。

昔在文昭。今惟武穆。於赫王宰。方旦居叔。有睟觀蕃。爰履奠牧。甯極

和鈞。屏京維服。

王宰。謂王為宰輔。比之周旦。而亦居叔也。指江夏。衡陽二王。

肫魄雙交。月氣參變。開榮灑澤。舒虹爍電。化際無間。皇情爰眷。伊思

鎬飲。每惟洛宴。

肫魄雙交。謂月之三日也。月氣參變。謂三月也。此說入修楔。

郊餞有壇。君舉有禮。幕帷蘭甸。畫流高陞。分庭薦樂。析波浮醴。豫同

夏諺。事兼出濟。

仰閱豐施。降惟微物。三妨儲隸。五塵朝黻。途泰命屯。思充報屈。有悔

可悛。滯瑕難拂。

微物。自謂也。三妨。五塵。謂己所歷之官位。

郊祀歌

賁威寶命。嚴恭帝祖。炳海表岱。系唐胃楚。靈監睿文。民屬睿武。奄受敷錫。宅中拓宇。亘地稱皇。罄天作主。月竈來賓。日際奉土。開元首正。

用筆太重，非詩人本色。

禮交樂舉六典聯事九官列序有牲在滌有絜同潔在俎薦饗王衷

以答神祐

尚書曰：海岱及淮惟徐州。東京賦曰：系唐統，接漢緒。沈約宋書曰：高祖，彭城人。楚元王之後也。彭城，徐州之境。魏同窟。

維聖饗帝維孝饗親皇乎備矣有事上春禮行宗祀敬達郊禋金枝中樹廣樂四陳陟配在京降聽在民奔精昭夜高燎煬晨陰明浮爍沈榮深淪告成大報受釐元神月御按節晨驅扶輪遙興遠駕曜曜振振

奔精，星流也。沈靜也。蔡，祭名。

宋為水德而主辰，故陰明之宿，浮爍而揚光。沈榮，所祭沈淪而月御二句，言天神降而月御為之按節，星驅為之扶輪也。

贈王太常

玉水記方流。璇源載圓折。蓄寶每希聲。雖祕猶彰徹。聆龍睟音砌九淵聞鳳窺。丹穴歷聽豈多士。巋然覲時哲。舒文廣國華。敷言遠朝列。德輝灼邦懋。芳風被鄉耄。側同幽人居。郊扉常晝閉。必列切林間時晏開。亟迴長者轍。庭昏見野陰。山明望松雪。靜惟浹羣化。徂生入窮節。

豫往誠歡歇。悲來非樂闕。屬美謝繁翰。遙懷具短札。

戶子曰：凡水其方折者有玉其圓折者有珠。

瞭察也。

夏夜呈從兄散騎車長沙

散騎字敬宗車長沙字仲遠。

炎天方埃鬱。暑晏閔塵紛。獨靜闕偶坐。臨堂對星分。側聽風薄木。遙睇月開雲。夜蟬當夏急。陰蟲先秋聞。歲候初過半。荃蕙豈久芬。屏居惻物變。慕類抱情殷。九逝非空思。七襄無成文。

楚詞曰：惟郢路之遼遼兮。魂一夕而九逝。

北使洛

宋書曰：延之洛陽道中作。文辭藻麗。為謝晦傳亮所賞。

黍離之感。行役之悲。情旨暢越。

改服飭徒旅。首路跼險艱。振楫發吳洲。秣馬陵楚山。塗出梁宋郊。道由周鄭間。前登陽城路。日夕望三川。在昔輟期運。經始闢聖賢。伊瀨絕津濟。臺館無尺椽。官陞多巢穴。城闕生雲煙。王猷升八表。嗟行方暮年。陰風振涼野。飛雪瞥窮天。臨塗未及引。置酒慘無言。隱閔徒御

悲威遲良馬煩。遊役去芳時。歸來屢徂魯。古魯字。蓬心既已矣。飛薄殊

亦然。

抱朴子曰。聞之前志。聖人生率闕五百歲。

五君詠五首

竹林七賢。山濤。王戎。以貴顯被斥。

阮步兵

籍

阮公雖淪迹。識密鑒亦洞。沈醉似埋照。寓辭類託諷。長嘯若懷人。越禮自驚衆。物故不可論。途窮能無慟。

嵇中散

康

中散不偶世。本自餐霞人。形解驗默仙。吐論知凝神。立俗迕流議。尋山洽隱淪。鸞翮有時鍛。龍性誰能馴。桓子新論曰。聖人皆形解仙去。

劉參軍

伶

劉伶善閉關。懷情滅聞見。鼓鐘不足歡。榮色豈能眩。韜精日沈飲。誰

知非荒宴。頌酒雖短章。深衷自此見。

老子曰。善閉者無關鍵而不可開。言道德內充。情欲俱閉也。

阮始平

咸

仲容青雲器。實稟生民秀。達音何用深。識微在金奏。郭奕已心醉。山公非虛覲。屢薦不入官。一麾乃出守。

阮咸哀樂至到。過絕於人。太原郭奕。見之心醉。山濤故事曰。咸若在官之職。

必妙絕於時。

向常侍

秀

向秀甘澹薄。深心託豪素。探道好淵玄。觀書鄙章句。交呂既鴻軒。攀嵇亦鳳舉。流連河裏遊。惻愴山陽賦。

秀嘗與嵇康偶鍛於洛邑。與呂安灌園於山陽。

秋胡詩九首

椅梧傾高鳳。寒谷待鳴律。影響豈不懷。自遠每相匹。婉彼幽閑女。作嬪君子室。峻節貫秋霜。明豔侔朝日。嘉運既我從。欣願自此畢。

椅梧。竹鳳鳥之

來儀·寒谷待吹律而成煦·言夫
婦之相匹·如影響之相思也·

燕居未及好。良人顧有違。脫巾千里外。結綬登王畿。戒徒在昧旦。左
右來相依。驅車出郊郭。行路正威遲。存為久離別。沒為長不歸。

嗟余怨行役。三陟窮晨暮。嚴駕越風寒。解鞍犯霜露。原隰多悲涼。迴
飈卷高樹。離獸起荒蹊。驚鳥縱橫去。悲哉遊宦子。勞此山川路。

卷耳詩·陟彼崔嵬·陟彼高岡·陟彼砠矣·故曰三陟·

超遙行人遠。宛轉年運徂。良時為此別。日月方向除。孰知寒暑積。僂
俛見榮枯。歲暮臨空房。涼風起坐隅。寢興日已寒。白露生庭蕪。

一章至四章·言宦仕於外·己之靡日不思也·

勤役從歸願。反路遵山河。昔辭秋未素。今也歲載華。蠶月歡時暇。桑
野多經過。佳人從所務。窈窕援高柯。傾城誰不顧。弭節停中阿。
年往誠思勞。路遠闊音形。雖為五載別。相與昧平生。捨車遵往路。鳬

藻馳目成。南金豈不重。聊自意所輕。義心多苦調。密比金玉聲。

五章至六章。言遇於桑下。秋胡子下車。與之以金也。班彪冀州賦曰。感鳧藻以進樂。

高節難久淹。竭來空復辭。遲遲前途盡。依依造門基。上堂拜嘉慶。入室問何之。日暮行采歸。物色桑榆時。美人望昏至。慙歎前相持。

此章言其母使人呼其婦至。乃向采桑者也。

有懷誰能已。聊用申苦難。離居殊年載。一別阻河關。春來無時豫。秋至恒早寒。明發動愁心。閨中起長歎。慘悽歲方晏。日落遊子顏。

言情之慘悽。在乎歲之方晏。日之將落。愈思遊子之顏。此章申言五載中思慕情事。

高張生絕絃。聲急由調起。自昔枉光塵。結言固終始。如何久為別。百行讟古愆字諸已。君子失明義。誰與偕沒齒。愧彼行露詩。甘之長川汜。

高張生於絕絃。喻立節期於效命。聲急由乎調起。喻詞切興於恨深。易曰。歸妹。人之終始也。

前章說相持矣。以常情言。宜即出憤語。此却申言離居之苦。急處用緩承。正是節奏之妙。

無古樂府之警健。然章法綿密。布置穩順。在廷之為上乘矣。

前人評康樂詩。謂東海揚帆。風日流利。此不甚允。大約經營慘淡。鈎深素隱。而一歸自然。山水閒適。時遇理趣。匠心獨運。少規往則。建安諸公。都非所屑。況士衡以下。陶詩合下自然。不可及處。在真在厚。謝詩追琢而返於自然。不可及處。在新在俊。千古並稱。厥有由夫。陶詩高處在不排。謝詩勝處在排。所以終遜一籌。劉勰明詩篇曰。老莊告退。而山水方滋。見遊山水詩以康樂為最。

謝靈運

從遊京口北固應詔

從宋武帝。

玉璽誠誠信。黃屋示崇高。事為名教用。道以神理超。昔聞汾水遊。今見塵外鑣。鳴笳發春渚。稅鑾登山椒。張組眺倒景。同影。列筵矚歸潮。遠巖映蘭薄。白日麗江皋。原隰萋綠柳。墟囿散紅桃。皇心美陽澤。萬象咸光昭。顧己枉維繫。撫志慙場苗。工拙各所宜。終以返林巢。曾是縈舊想。覽物奏長謠。莊子曰。堯見四子藐姑射之山。汾水之陽。

述祖德詩二首

序曰。太元中。王父龕定淮南。負荷世業。尊主隆人。逮賢相祖謝。君子道消。拂衣蕃岳。考卜東山。事同樂生之時。志期范蠡之舉。王父。謂玄也。龕。同載。勝也。龕定淮南。謂敗符堅事。

達人貴自我。高情屬天雲。兼抱濟物性。而不纓垢氛。段生蕃魏國。展

理語入詩。而不覺其痛。全在骨高。

季救魯人。弦高犒暗師。仲連却秦軍。臨組乍不緹。對珪甯肯分。惠物辭所賞。勵志故絕人。茗茗歷千載。遙遙播清塵。清塵竟誰嗣。明哲垂經綸。委講輟道論。改服康世屯。屯難既云康。尊主隆斯民。高弦

犒秦師。在暗之道。暗。音晉。見呂氏春秋。諸本為晉字之誤也。因改正。

中原昔喪亂。喪亂豈解已。崩騰永嘉末。逼迫太元始。河水無反正。江介有蹙圯。萬邦咸震懾。橫流賴君子。拯溺由道情。龜暴資神理。秦趙欣來蘇。燕魏遲文軌。賢相謝世運。遠圖因事止。高揖七州外。拂衣五湖裏。隨山疏濬潭。傍巖藝枌梓。遺情捨塵物。貞觀丘壑美。蹙圯。詩曰。日蹙國百里。

爾雅曰。圯。敗覆也。莊子曰。夫道有情有性。

九日從宋公戲馬臺集送孔令

季秋邊朔苦。旅雁違霜雪。淒淒陽卉腓。皎皎寒潭潔。良辰感聖心。雲旗興暮節。鳴笳戾朱宮。蘭卮獻時哲。錢晏光有孚。和樂隆所缺。在宥

解纜二句。別緒低
徊。含情二句。觸
境自得。

天下理。吹萬羣方悅。歸客遂海隅。脫冠謝朝列。弭棹薄枉渚。指景待
樂闋。河流有急瀾。浮驂無緩轍。豈伊川途念。宿心愧將別。彼美丘園
道。喟焉傷薄劣。詩序曰。鹿鳴廢。則和樂缺矣。莊子曰。聞在宥天下。不聞在治天下也。郭
象曰。有使自在。則治也。莊子。南郭子綦曰。夫吹萬不同。而使真自己也。

司馬彪曰。言天氣吹煦。長養萬物。形
氣不同。已止也。使各得其性而止。

鄰里相送至方山

祇役出皇邑。相期憩甌越。解纜及流潮。懷舊不能發。析析就衰林。皎
皎明秋月。含情易為盈。遇物難可歇。積疴謝生慮。寡欲罕所闕。資此
永幽棲。豈伊千歲別。各勉日新志。音塵慰寂蔑。

過始寧墅

束髮懷耿介。逐物遂推遷。違志似如昨。二紀及茲年。緇磷謝清曠。疲
薶慙貞堅。拙疾相倚薄。還得靜者便。剖竹守滄海。枉帆過舊山。山行
窮登頓。水涉盡洄沿。巖峭嶺稠疊。洲縈渚連綿。白雲抱幽石。綠篠媚

清漣葺宇臨迴江。築觀基層巔。揮手告鄉曲。二載期歸旋。且為樹粉
檣。無令孤願言。登頓沿洄。非老於遊山水者不知。左傳。初季孫為己樹六檣於蒲圃泉門之外。杜註曰。檣。自為觀也。始寧縣。謝公故宅及墅在焉。茲因之官過此。故

有末四句。

七里瀨

羈心積秋晨。晨積展遊眺。孤客傷逝湍。徒旅苦奔峭。石淺水潺湲。日
落山照曜。荒林紛沃若。哀禽相叫嘯。遭物悼遷斥。存期得要妙。既秉
上皇心。豈屑末代誚。目覩嚴子瀨。想屬任公釣。誰謂今古殊。異代可
同調。

登池上樓

在永嘉郡。

潛虬媚幽姿。飛鴻響遠音。薄霄愧雲浮。棲川怍淵沈。進德智所拙。退
耕力不任。狗祿反窮海。卧疴對空林。衾枕昧節候。褰開暫窺臨。傾耳
聆波瀾。舉目眺嶇嶔。初景革緒風。新陽改故陰。池塘生春草。園柳變

池塘生春草。偶然佳句。何必深求。
權德輿解為王暕處。候將變。何句不可穿鑿耶。

起先用寫景。第六句點出晚郊岐。此倒插法也。少陵往往用之。

鳴禽。祁祁傷。幽歌。萋萋感。楚吟。索居易永久。離羣難處心。持操豈獨古。無悶徵在今。

虬以深潛而保真。鴻以高飛而遠害。今以嬰世網。故有愧虬與鴻也。薄霄。頂飛鴻。棲川。頂潛虬。楚詞曰。款秋冬之緒風。

遊南亭

亦永嘉郡。

時竟夕。澄霽雲歸日。西馳密林含餘清。遠峯隱半規。久痾昏墊苦。旅館眺郊岐。澤蘭漸被徑。芙蓉始發池。未厭青春好。已覩朱明移。感感物歎。星星白髮垂。藥餌情所止。衰疾忽在斯。逝將候秋水。息景偃舊崖。我志誰與亮。賞心惟良知。

良知。謂良友。

遊赤石進泛海

首夏猶清和。芳草亦未歇。水宿淹晨暮。陰霞屢興沒。周覽倦瀛壖。況乃凌窮髮。川后時安流。天吳靜不發。揚帆采石華。挂席拾海月。溟漲無端倪。虛舟有超越。仲連輕齊組。子牟眷魏闕。矜名道不足。適已物